



# Երևանի Մարաթոն միջոցառման կանոնակարգ

Յուկտեմբերի 13, 2019

Երևան, Հայաստան

[www.armeniamarathon.org](http://www.armeniamarathon.org), [info@armeniamarathon.org](mailto:info@armeniamarathon.org)

## 1. Կազմակերպիչներ:

- «Արմ Մարաթոն» մարզակրթական հիմնադրամ
- Երևանի քաղաքապետարան,
- Tri-Club Yerevan սպորտային ակումբ

## 2. Վազքուղի, մեկնարկ, ավարտ

- Մեկնարկի օր և ժամ՝ հոկտեմբերի 13, 2019, 8:00
- Մեկնարկի վայր՝ Շահումյան հարապարակ, Երևան, Հայաստան: Ավարտի և մեկնարկի վայրերը համընկնում են
- 42,2կմ և 21,1 կմ վազքատարածքի մրցուղին անցնում է Երևանի կենտրոնական փողոցներով և Հրազդան գետի կիրճով:
- Սահմանված մրցատարածություններ՝ 42,2կմ, 21,1կմ, 12կմ, 5կմ և մանկական վազք՝ 1 կմ
- Վազքատարածքի հաղթահարման սահմանված ժամանակ՝ 5 ժամ 30 րոպե 42,2կմ վազքի համար և 3 ժամ 30 րոպե 21,1կմ վազքի համար:

## 3. Մասնակիցներ

- Երևանի Մարաթոն մրցմանը կարող են մասնակցել.
  - 42.2 կմ ` 18 տարեկան և ավելի մեծ մասնակիցներ
  - 21.1 կմ ` 18 տարեկան և ավելի մեծ մասնակիցներ
  - 12 կմ` 16 տարեկան և ավելի մեծ մասնակիցներ
  - 5 կմ` 13 տարեկան և ավելի մեծ մասնակիցներ
  - 1 կմ` երեխաներ` 3-12 տարեկան, 7 տարեկանից փոքր երեխաները պետք է վազեն ծնողի ուղեկցությամբ
- Վազքի մասնակցության և տարիքային խմբերում ընդգրկվելու համար մասնակցի տարիքը որոշվում է 2019թ դեկտեմբերի 31-ի դրությամբ:
- Մեկնարկային փաթեթները ստանալիս ` մասնակիցը ստորագրում է համաձայնագիր, ըստ որի կազմակերպիչներն ամբողջովին զերծ են մնում միջոցառման (մրցավազքի) ժամանակ մասնակցի առողջությանը հասցված հնարավոր վնասի պատասխանատվությունից: Անչափահաս երեխաների մասնակցության համար դիմումը ստորագրում է ծնողներից մեկը:
- Մասնակիցների քանակը սահմանափակ է` մինչև 5000 հոգի:

## 4. Գրանցում

- Մասնակցության համար անհրաժեշտ է լրացնել հայտ մրցույթի [www.armeniamarathon.org](http://www.armeniamarathon.org) կայքում:

- Գրանցումն ավարտվում է 2019 թ հոկտեմբերի 6-ին, կամ ավելի վաղ՝ մասնակիցների քանակը լրանալուն պես:
- Գրանցված է համարվում այն մասնակիցը, ով լրացրել է հայտն ու վճարել մասնակցության վճարը:
- Այն մասնակիցները, որոնք 2016-2017թ գրանցել են 42,2կմ մրցույթի արդյունք 2:30 կամ ավելի արագ արդյունքում, 21.1 կմ վազքատարածքում 01:15:00 կամ ավելի արագ արդյունք, կամ 10 կմ վազքատարածքում 35 րոպեից արագ արդյունք, գրանցվում են ընդհանուր կարգով և հաղորդագրություն են ուղարկում կազմակերպիչներին info@armeniamarathon.org հասցեով, հոկտեմբերի 8-ից ոչ ուշ, մեկնարկի առաջնային հատվածում ընդգրկվելու համար:

## 5. Գրանցման գործընթացը

- Մասնակիցը առցանց [www.armeniamarathon.org](http://www.armeniamarathon.org) էջում լրացնում է մասնակցության հայտը և այնուհետև կատարում առցանց վճարում կամ կանխիկ բանկային մասնաճյուղում (տես կետ 8):
- Հայտը լրացնելուց հետո մասնակիցը էլ.փոստով ստանում է հայտի հաստատումը:
- Վճարումը հաստատելուց հետո մարզիկը ներառվում է մասնակիցների ցուցակի մեջ:

## 6. Վերագրանցում

- Մեկնարկային համարը չի թույլատրվում փոխանցել այլ մասնակցի:

## 7. Մեկնարկային համարների տրամադրում

- Մեկնարկային համարներ տրվում են մրցավազքի նախորդ շաբաթվա ընթացքում: Մասնակիցը պետք է վազի իր համարով: Մեկնարկային համարն այլ անձի փոխանցման դեպքում վազորդի արդյունքը չեղյալ է համարվում:

## 8. Մասնակցության վճար

- Գրանցման հայտը առցանց լրացնելուց անհրաժեշտ է կատարել վճարում: Վճարումը կարելի է կատարել առցանց Visa կամ MasterCard քարտերով:
- Վճարումը կարելի կատարել նաև կանխիկ եղանակով Կոնվերս բանկի մասնաճյուղերում, ինչպես նաև EasyPay տերմինալների միջոցով (ծառայության հասանելիության պահից սկսած):
- Հայաստանի բնակիչների համար գրանցման գները հետևյալն են

Հայկական դրամ	Մինչև Մայիսի 30	Հուն 1 - Օգոստ 31	Սեպ 1 - Հոկտ 6	Հոկտ 7 - 11	Նշումներ
<b>42,2կմ</b>	14000	16500	17500	20000	Չի ներառում վերնաշապիկ
<b>21,1կմ</b>	7500	9500	10500	13000	Չի ներառում վերնաշապիկ
<b>12կմ</b>	5000	6500	7500	10000	Չի ներառում վերնաշապիկ
<b>5կմ</b>	3000	4500	5500	7000	Չի ներառում վերնաշապիկ
<b>1կմ մանկական վազք</b>	3000	4000	5000	7000	Ներառում է վերնաշապիկ

- Մասնակցության գները Հայաստանից դուրս բնակվող մասնակիցների համար

Հայկական դրամ	Մինչև Մայիսի 30	Հուն 1 - Օգոստ 31	Սեպ 1 - Հոկտ 6	Հոկտ 7 - 11	Նշումներ
<b>42,2կմ</b>	16000	18500	19500	22000	Չի ներառում վերնաշապիկ
<b>21,1կմ</b>	9500	11500	12500	15000	Չի ներառում վերնաշապիկ
<b>12կմ</b>	7000	8500	9500	12000	Չի ներառում վերնաշապիկ
<b>5կմ</b>	5000	6500	7500	9000	Չի ներառում վերնաշապիկ
<b>1կմ մանկական վազք</b>	5000	6000	7000	9000	Ներառում է վերնաշապիկ

- 5կմ, 12կմ, 21կմ և 42կմ վազքի մասնակցության վճարը չի ներառում մրցութային վերնաշապիկի վճարը: Ցանկության դեպքում մասնակիցները կարող են գնել շապիկը հավելավճարով:
- Մրցութային վերնաշապիկներ կարելի է գնել գրանցման ժամանակ 3000 դրամ հավելյալ վճարով: Նախատեսվում է շապիկների վաճառքն իրականացնել մինչև 2019թ.-ի սեպտեմբերի մեկը: Այս ժամկետից հետո շապիկների վաճառքային հասանելիությունը չի երաշխավորվում:
- 1կմ մանկական վազքի պարագայում շապիկը ներառված է մեկնարկային փաթեթում:
- Մասնակցության վճարը EXPO-ի ժամանակ (Հոկտեմբերի 12, 2019) կավելանա 1000 դրամով:
- Մասնակցության վճարումը հնարավոր է իրականացնել կանխիկով EasyPay տերմինալներով (երբ ծառայությունը դառնա հասանելի):
- Մասնակցության կանխիկ վճարումը հնարավոր է իրականացնել Կոնվերսանկի մասնաճյուղերում՝ օգտագործելով հետևյալ ռեկվիզիտները:

Կազմակերպության անվանումը - "ԱՐՄ ՄԱՐԱԹՈՆ" ՀԻՄՆԱԴՐԱՄ
Բանկային հաշիվ - 1930067640570100
Բանկ - "Կոնվերսանկ"ՓԲԸ
Նպատակը - Երևանի Կիսամարաթոնի մասնակցության վճար

- Բանկի մասնաճյուղում կանխիկ վճարման դեպքում մասնակցին անհրաժեշտ է էլեկտրոնային փոստով [info@armeniamarathon.org](mailto:info@armeniamarathon.org) հասցեին ուղարկել վճարման կտրոնի լուսանկարը:
- Վճարման գումարի դիմաց մասնակցին տրամադրվում են հետևյալ ծառայությունները՝ մեկնարկային համար, ժամանակաչափ, ավարտի մեդալ, եզրափակիչ արձանագրության արդյունքներ, ջրի և սննդի կայաններից օգտվելու հնարավորություն, համերգային ծրագիր, էլեկտրոնային վկայական, անհրաժեշտության դեպքում առաջին օգնություն ստանալու հնարավորություն:
- Ոչ կազմակերպիչների մեդալը մրցությունը չկայանալու դեպքում մասնակցության վճարը չի վերադարձվում:
- Մասնակցության վճարը վերադարձի ենթակա չէ:

## 9. Մեկնարկային փաթեթների տրամադրում

- Մեկնարկային փաթեթները տրամադրվելու են 2019թ հոկտեմբերի 12-ին: Փաթեթը ստանալու համար անհրաժեշտ է ներկայացնել անձը հաստատող փաստաթուղթ:

## 10. Առաջին օգնություն

- Առաջին օգնություն հասանելի է մեկնարկ / ավարտ հատվածում, ինչպես նաև 5կմ և 12կմ, 24կմ, 36կմ կետերում տեղակայված բուժկետերում: Մեկնարկային հատվածում հերթապահում են բուժաշխատակիցներ: Վազքուղում վտանգված մարդ տեսնելիս անհապաղ պետք է հաղորդել բուժաշխատողներին կամ կազմակերպիչներին:

## 11. Վազքատարածքից դուրս մնալ

- Եթե մասնակիցը որոշել է չչարունակել մրցությունը, ապա պետք է տեղեկացնել այդ մասին մոտակա կազմակերպչին կամ կամավորներին: Բուժաշխատակիցները, կամակերպիչներն ու դատավորները կարող են մասնակցին հանել վազքուղուց , եթե գտնեն դրա անհրաժեշտությունը:

## 12. Դրայինգային վերահսկողություն

- Մարաթոնի կազմակերպչական թիմն իրավունք ունի դրայինգային ստուգում իրականացնել մրցության մրցատարածության մասնակիցների առաջին, երկրորդ և երրորդ տեղ զբաղեցրած մասնակիցների շրջանում, բացառությամբ` 1 կմ մանկական վազքի: Բոլոր հաղթողները պետք է պատրաստ լինեն դրայինգային հնարավոր ստուգման: Հաղթող մասնակիցն իրավունք ունի հրաժարվելու մասնակցել դրայինգային ստուգմանը, բայց այս պարագայում նաև ավտոմատ կերպով որակագրկվում է որպես հաղթող և կորցնում է համապատասխան դրամական մրցանական ստանալու իրավունքից:
- Վերջնական ավարտական արձանագրությունները հասանելի են դառնում միայն դրայինգ վերահսկողության արդյունքներից հետո: Դրայինգային ստուգման թեստերն իրականացվում են անկախ, միջազգայնորեն հավատարմագրված գործակալությունների միջոցով: Բոլոր այն վազորդները, ում դրայինգային ստուգման արդյունքը դրական կլինի, ավտոմատ կերպով որակագրկվում են որպես հաղթող և կորցնում են համապատասխան դրամական մրցանական ստանալու իրավունքից: Հաղթող կհամարվի հաջորդ մասնակիցն ըստ եզրափակիչ արձանագրության. նա նաև ստանձնի տվյալ ստատուսից բխող բոլոր պարտականություններն ու առավելությունները` ներառյալ մրցանակը:

## 13. Որակագրկում

- Վազքի կազմակերպիչները կարող են որակագրկել այն մասնակիցներին, որոնք չեն անցել հակադրայինգային ստուգումը, խախտում են մրցության կանոնները, խանգարում մնացած մասնակիցներին, այլ կերպ խաթարում մրցության ընթացքը:

## 14. Ժամանակաչափ

- Մասնակիցների վազքի արդյունքների ճշգրիտ չափումը իրականացվում միջազգային մակարդակի ժամանակաչափ համակարգի օգնությամբ: Յուրաքանչյուր մասնակցի տրվում է անհատական չիփ: Վազքատարածքն անցնելուց հետո, բոլոր մասնակիցների համար որոշվում է իրենց գուտ (մեկնարկային կետից մինչև ավարտի կետը հատելու) ժամանակը:

## 15. Պարզևատրություն

- Բացարձակ առաջնությունում հաղթող երեք մասնակիցները կանանց և տղամարդկանց մեջ որոշվում են եզրագիծը հատելու փաստի հիման վրա (gun time), վազբուլու վրա ժամանակաչափի օգնությամբ գրանցվող բոլոր կետերը անցնելու դեպքում:
- 42,2կմ, 21.1կմ, 12կմ, 5կմ և 1կմ վազքատարածքների բացարձակ առաջնության հաղթողները պարզևատրվում են գավաթներով:
- Մրցույթի կազմակերպիչները կարող են որոշում կայացնել դրամական պարգև տրամադրել բացարձակ առաջնության հաղթողներին (բացի մանկական վազքից): Դրամական պարգևները վճարվում են հաղթողներին բանկային հաշվի վրա Էլեկտրոնային փոխանցման միջոցով: Հաղթող մասնակիցը պետք է տրամադրի կազմակերպիչներին անձնագրային տվյալներ, հավաստի կոնտակտային և բանկային հաշվի տվյալներ: Նշված տեղեկությունները մինչև 2019թ նոյեմբերի 30-ը չտրամադրելու դեպքում մասնակիցը գրկվում է հաղթողին դրամական մրցանակը ստանալու իրավունքից: Վճարվող դրամական պարգևը նվազեցվում է Հայաստանի Հանրապետության օրենսդրությամբ սահմանված եկամտահարկի չափով:
- Տարիքային խմբերում պարզևատրումը կատարվում է՝ ելնելով ժամանակային զուտ արդյունքից, հաշվարկվում է մեկնարկային և վերջնակետային ժամանակը:
- Տարիքային խմբերը ներառում են հետևյալ խմբերը 13-18 (5կմ), 16-18 (12կմ), 18-24; 25-29, 30-34; 35-39, 40-44; 45-49, 50-54; 55-59; 60+ մրցանակակիրները 42.2կմ, 21.1կմ, 12կմ և 5 կմ վազքատարածություններում ստանում են պատվոգրեր:
- Եզրագծին հասած բոլոր մասնակիցները ստանում են հիշարժան մեդալներ:
- Հաղթանակածների մրցանակաբաշխությանը չներկայանալու դեպքում կազմակերպիչները կարող են ինքնուրույն տնօրինել պարգևները:

## 16. Լուսանկարում

- Կազմակերպիչները կարող են օգտագործել մրցավազքի ժամանակ արված լուսանկարները՝ ըստ իրենց հայեցողության:

## 17. Բողոքարկումներ

- Մրցավազքի արդյունքների շուրջ բոլոր բողոքարկումները , վազքատարածքում կատարված բոլոր խախտումները գրավոր տեսքով ներկայացվում են մրցավազքի գլխավոր դատավորին, կամ ուղարկվում [info@armeniamarathon.org](mailto:info@armeniamarathon.org) էլ. հասցեով մինչև 2019 թ հոկտեմբերի 18:

## 18. Առողջական վիճակի վերաբերյալ հարցեր

- Մասնակիցները ստորագրում են համաձայնագիր, ըստ որի կազմակերպիչներն ամբողջապես զերծ են մնում մրցավազքի ժամանակ մասնակցի առողջությանը հասցված հնարավոր վնասի պատասխանատվությունից:

## 19. Անձնական տվյալների օգտագործում

- Երբ վազորդները լրացնում են գրանցման հայտը, իրենք ավտոմատ կերպով համաձայնում են տրամադրել անձնական տվյալները վազքի կազմակերպիչներին: Վերջիններս կարող են այդ տվյալները կիրառել մասնակիցների ցանկի կազմման, մրցույթի հաղթողների արձագրության և տվյալների ընդհանրացված վիճակագրության ներկայացման ժամանակ: Անձնական տվյալները կարող են տրամադրվել Երրորդ կողմին այն պարագայում, երբ վերջինս ունի համապատասխան պայմանագիր «Արմ Մարաթոն» հիմնադրամի հետ և պարտավորվում է պահպանել տվյալների գաղտնիությունը: Երրորդ կողմի ներկայացուցիչները կարող են կիրառել անձնական տվյալները հետևյալ դեպքերում՝ Երևան Մարաթոնի կամ այլ մրցույթների մասին տեղեկատվական էլ. նամակներ և sms հաղորդագրություններ ուղարկելու, վերջնական արձանագրության և ժամանակաչափ սարքերի գործառման. ընդհանրացված վիճակագրության համար: Այս պարագայում կարող են կիրառվել հետևյալ տիպի անձնական տվյալներ՝ անուն, ազգանուն, ծննդյան տարեթիվ, երկիր, սեռ, հեռախոսահամար, էլ. հասցե, մրցույթի արդյունք: Վազքի ավարտին ներկայացվող հանրայնացվող արձանագրությունը պարունակելու է մասնակցի անունը, ազգանունը, երկիրը, սեռը, ծննդյան տարեթիվն ու մրցույթի արդյունքը: